

teriae (a) podagricaе in vias vrinarias calculum ortum esse affirmat. Idem de spasmō vesicae testatur Illustr. HOFFMANNVS. (b) HIERONYMVS GABVCINVS ex Hippocrate probare vult, dysenteriis optime curari podagricos (c) dolores, si successerint, imo & alia eliquatione ad loca inferiora. De qua re merito dubitamus, qui profluvia alui asperius saepe malum reddidisse, neque has vias repurgando neruorum malo idoneas esse iam commouimus. Hinc & ipse GABVCINVS his verbis: *contra etiam fieri inconstantiam suam prodit.* Frequenter imprimis hic accidit colica, vnde Hippocratis verba: *cui in dextra parte intestinum colon dolebat, & artuum dolore capiebatur, erat quietior, postquam autem hic curatus fuit, plus doluit.* Non dicam de iecinoris affectu, hydrope, & similibus malis, quae summas iniurias abdomini illatas sequuntur.

§. XIII.

Sunt & plura alia loca, in quae vis illa retropulsi morbi desaeuere potest, plerumque tamen minori cum detrimento. Intelligo hic reliquos corporis humani artus, manus, genua, femora. Quae uti conueniunt desertis latebris, ita in his non maiori vitae discrimine suscipiuntur.

§. XIV.

Signa retropulsionis ex dictis obscura esse non possunt. Primum hic est, quod ex improviso dolores in pedibus euanescant, & hi

(a) Obs. 801. p. 355. Th. SYDENHAM L. cit. p. m. 442. vtrum calculus eiusdem materiae morbificae in genere portio quaedam sit, nec ne, litem diiudicare recusat.

(b) Med. Syst. P. IV. T. II. p. 400.

(c) Vid. iphus commentar. de podagr. p. 13. & seqq.